

Na osnovu člana 26. Zakona o poljoprivredi ("Službene novine FBiH", broj: 88/07, 04/10, 07/13), u skladu sa članom 3. Pravilnika o uslovima, kriterijima i postupku ostvarivanja prava na novčane podrške u primarnoj poljoprivrednoj proizvodnji na području grada Tuzle („Službeni glasnik Grada Tuzla“, broj: 7/21), Pomoćnik gradonačelnika za Službu za ekonomski razvoj, poduzetništvo i poljoprivredu, donosi

PROGRAM NOVČANIH PODRŠKI U PRIMARNOJ POLJOPRIVREDOJ PROIZVODNJI IZ BUDŽETA GRADA TUZLE ZA 2021. GODINU

I

Programom novčanih podrški u primarnoj poljoprivrednoj proizvodnji iz Budžeta Grada Tuzle za 2021. godinu (u daljem tekstu: Program) određuje se iznos sredstava na ime novčane podrške po korisniku za ostvarenu animalnu i biljnu proizvodnju, te za izvršena ulaganja u nabavku novih poljoprivrednih sredstava u tekućoj godini, kriteriji za ostvarivanje prava na novčane podrške i raspored sredstava za novčane podrške prema oblastima i vrstama poljoprivredne proizvodnje obuhvaćenim ovim Programom, odnosno iznos podrške po jedinici proizvodnje kao i maksimalan iznos novčane podrške po korisniku.

II

Sredstva iz tačke I ovog Programa, planirana su u Budžetu Grada Tuzle za 2021. godinu na poziciji „Grant pojedincima za poticaj poljoprivredne proizvodnje“, ekonomski kod: 614239-17, u iznosu od 90.000,00 KM i „Grant privatnim preduzećima i poduzetnicima za poticaj poljoprivredne proizvodnje“, ekonomski kod: 614515, u iznosu od 30.000,00 KM.

III

Opći uslovi koje moraju ispunjavati fizička i pravna lica, te registrovani poljoprivredni obrti (u daljem tekstu: korisnici) da bi ostvarili pravo na novčane podrške u smislu ovog Programa su:

- da imaju prebivalište, odnosno poslovno sjedište na području grada Tuzle,
- da su upisani u Registar poljoprivrednih gazdinstava i Registar klijenata, (u daljem tekstu: RPG i RK), izuzev novih korisnika koji su u tekućoj godini izvršili nabavku novih poljoprivrednih sredstava,
- da su u tekućoj 2021. godini na području grada Tuzle ostvarili neku od poljoprivrednih proizvodnji ili izvršili nabavku poljoprivrednih sredstava,
- da su u nadležnoj gradskoj Službi izvršili ažuriranje podataka u RPG i RK do 31.03. 2021. godine,
- da su ispunili porezne obaveze za prethodnu godinu:
 - a) za fizička lica:
 - uvjerenje nadležne Porezne uprave o izmirenim dospjelim poreznim obavezama za 2020. godinu.
 - b) za pravna lica i obrte:
 - uvjerenje nadležne Porezne uprave o izmirenim dospjelim poreznim obavezama za 2020. godinu, kao i izmirenim obavezama po osnovu PIO/MIO za 2020. godinu,
 - uvjerenje o urednom izmirenju indirektnih poreza, izdato od Uprave za indirektno oporezivanje, ukoliko je prijavljeni učesnik obveznik plaćanja PDV-a, a za poslovne subjekte koji nisu u sistemu PDV-a

dostavlja se uvjerenje od Uprave za indirektno oporezivanje da nisu u sistemu PDV-a.

- da su ispunili dospjele obaveze po osnovu ugovora o zakupu državnog poljoprivrednog zemljišta, od momenta zaključenja ugovora do 31.12. 2020. godine.

IV

Pored općih uslova iz tačke III ovog Programa, korisnici moraju ispunjavati i sljedeće kriterije za pojedine oblasti, odnosno vrste proizvodnji u pogledu minimalnog obima uspostavljene proizvodnje, da bi ostvarili pravo na novčanu podršku:

1) BILJNA PROIZVODNJA

- 1.1. Uspostavljena i prijavljena proizvodnja ratarskih kultura na površini od najmanje 0,5 ha,
- 1.2. Uspostavljena i prijavljena proizvodnja povrća na otvorenom na površini od najmanje 0,1ha, a za proizvodnju kornišona za industrijsku preradu minimalna površina iznosi 500 m²,
- 1.3. Uspostavljena i prijavljena proizvodnja povrća u zaštićenom prostoru na površini od najmanje 100 m²,
- 1.4. Uspostavljena i prijavljena proizvodnja krošnjastog voća na površini od najmanje 0,3 ha,
- 1.5. Uspostavljena i prijavljena proizvodnja jagodičastog i bobičastog voća na površini od najmanje 0,1 ha,
- 1.6. Uspostavljena i prijavljena proizvodnja gljiva (korisnici koji za proizvodnja utroše najmanje 10 tona supstrata godišnje).

2) ANIMALNA PROIZVODNJA

- 2.1. Muzne krave - korisnici koji posjeduju 2 ili više muznih krava u liniji otkupa mlijeka i koji su istu prijavili u RPG i RK u 2021. godini,
- 2.2. Uzgoj rasplodnih krmača i nazimica – korisnici koji imaju najmanje dvije nazimice ili suprasne (rasplodne) krmače prijavljene u RPG i RK u 2021. godini,
- 2.3. Košnice pčela, uzgoj pčelinjih zajednica – korisnici koji imaju 15 do 50 društava za proizvodnju meda prijavljene u RPG i RK u 2021. godini.

3) NABAVKA NOVIH SREDSTAVA I OPREME U POLJOPRIVREDI

- 3.1. Nabavka plastenika površine 100 m², sa sistemom za navodnjavanje i bačvom od minimalno 500 l,
- 3.2. Nabavka muznih krava Simmentalske, Holstein-frizijske ili pasmine nastale križanjem Simmentalske sa Holstein-frizijskom pasminom, da nisu starija od 4 godine.

V

Raspored sredstava za novčane podrške u primarnoj poljoprivrednoj proizvodnji iz Budžeta Grada Tuzle za 2021. godini na području grada Tuzle vršit će se na sljedeći način:

RB	Vrsta proizvodnje	Jedinica mjere	KM/jed. mjere	Najmanji obim proizvodnje u jedinicama mjere po vrstama proizvodnje	Maksimalan iznos novčane podrške po korisniku u KM
1. BILJNA PROIZVODNJA					
1.1.	Proizvodnja ratarskih kultura	ha	250,00	0,5 ha	1.000,00
1.2.	Proizvodnja povrća na otvorenom	dunum	200,00	1 dunum	1.000,00
1.3.	Proizvodnja povrća u zaštićenom prostoru	m ²	2,00	100 m ²	1.000,00

1.4.	Proizvodnja krošnjastog voća	dunum	250,00	3 dunuma	1.000,00
1.5.	Proizvodnja jagodičastog i bobičastog voća	dunum	250,00	1 dunum	1.000,00
1.6.	Proizvodnja gljiva	t	50,00	10 t supstrata godišnje	1.000,00
2. ANIMALNA PROIZVODNJA					
2.1.	Nabavka koncent. stočne hrane za muzne krave	grlo	120,00	2 ili više muznih krava u liniji otkupa mlijeka	1.000,00
2.2.	Nabavka koncent. stočne hrane za nazimice i krmače	grlo	50,00	najmanje dvije nazimice ili suprasne (rasplodne) krmače,	1.000,00
2.3.	Nabavka hrane za prihranu pčela (pogačice)	košnica	5,00	15 društava/košnica	250,00
3. NABAVKA NOVIH SREDSTAVA I OPREME U POLJOPRIVREDI					
3.1.	Nabavka opreme u biljnoj proizvodnji (plastenici)	kom	do 50% od vr. inv.	nabavka 1 plastenika od 100 m ²	2.000,00
3.2.	Nabavka muznih krava	grlo	do 50% od vr. inv.	nabavka 1 muzne krave	2.000,00

VI

Pri izradi ovog Programa uvažavali su se slijedeći parametri:

- iznos sredstava u Budžetu Grada Tuzle za 2021. godinu planiranih za ove svrhe,
- kontinuitet podsticajnih mjera i iskustva u realizaciji novčanih podrški prethodnih godina,
- uslovi i kriteriji prema Pravilniku o načinu i uslovima ostvarenja novčane podrške po modelu poticaja proizvodnji Tuzlanskog kantona i Federacije BiH,
- obim i vrste novčanih podrški prema Programu novčanih podrški u poljoprivredi i ruralnom razvoju Vlade Tuzlanskog kantona za 2020 godinu,
- sugestije učesnika u sektoru poljoprivrede (poljoprivredni proizvođači, Udruženja poljoprivrednika, zadruge, otkupljivači poljoprivrednih proizvoda i dr.),
- i drugo.

VII

Svrha Programa je:

- povećanje obradivih površina,
- povećanje obima poljoprivredne proizvodnje,
- razvoj i intenziviranje postojećih vrsta poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa u funkciji povećanja domaće proizvodnje hrane,
- bolje snabdijevanje domaćeg tržišta poljoprivredno-prehrambenim proizvodima,
- ruralni razvoj,
- podrška samozapošljavanja u porodičnom domaćinstvu i sl.

VIII

Visina ukupne novčane podrške koju pojedinačni korisnik može ostvariti, određena je važećim Pravilnikom o uslovima, kriterijima i postupku ostvarivanja prava na novčane podrške u primarnoj poljoprivrednoj proizvodnji na području grada Tuzle („Službeni glasnik Grada Tuzla“, broj: 7/21), a predstavlja podršku poljoprivrednim proizvođačima na ime refundiranja njihovih troškova, odnosno, povrata dijela sredstava uloženi u nabavku

repromaterijala i poljoprivrednih sredstava.

Maksimalna novčana podrška za ukupno ostvarenu biljnu proizvodnju u svim vrstama biljne proizvodnje podržavane ovim Programom iznosi 1.000,00 KM po korisniku.

Maksimalna novčana podrška za ukupno ostvarenu animalnu proizvodnju u svim vrstama animalne proizvodnje podržavane ovim Programom iznosi 1.000,00 KM po korisniku.

Za izvršenu nabavku novih sredstava i opreme u poljoprivredi maksimalna novčana podrška iznosi 2.000,00 KM po korisniku, odnosno ne može prelaziti 50% vrijednosti investicije.

Korisnik može podnijeti jedan zahtjev za novčanu podršku za ostvarenu biljnu proizvodnju za sve vrste biljne proizvodnje podržavane ovim Programom.

Korisnik može podnijeti jedan zahtjev za novčanu podršku za ostvarenu animalnu proizvodnju za sve vrste animalne proizvodnje podržavane ovim Programom.

Korisnik može podnijeti samo jedan zahtjev za nabavku poljoprivrednih sredstava.

Ukupan iznos novčane podrške koju može ostvariti jedan korisnik, po svim podnesenim zahtjevima ne može prelaziti iznos od 4.000,00 KM.

IX

Nakon donošenja Programa, Služba za ekonomski razvoj, poduzetništvo i poljoprivredu Grada Tuzle će putem web stranice Grada Tuzle obavijestiti poljoprivredne proizvođače sa područja grada Tuzle o početku podnošenja zahtjeva za ostvarivanje prava na novčane podrške u primarnoj poljoprivrednoj proizvodnji iz Budžeta Grada Tuzle za 2021. godinu, načinu i rokovima podnošenja zahtjeva.

X

Po isteku roka za predaju zahtjeva za ostvarivanje novčane podrške u smislu ovog Programa, Služba za ekonomski razvoj, poduzetništvo i poljoprivredu će provesti postupak rješavanja zahtjeva.

Ukoliko ukupan iznos obračunate novčane podrške po svim urednim zahtjevima bude veći od planiranih sredstava u Budžetu Grada Tuzle za 2021. godinu u smislu ovog Programa, izvršit će se proporcionalno smanjenje odobrenih iznosa pojedinačne novčane podrške

XI

Za realizaciju ovog Programa zadužuje se Služba za ekonomski razvoj, poduzetništvo i poljoprivredu i Služba za budžet i finansije grada Tuzle.

XII

Ovaj Program stupa na snagu danom donošenja i ne objavljuje se u Službenom glasniku Grada Tuzle, a važi do 31.12.2021. godine.

Broj: 04/11-A-9507-2021

Tuzla, 06.07.2021. godine

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Dr. sc. Zijad Lugavić, dipl. oec.